

賈建殊錄

元

續建殊錄序



夫孫子吳子世之善用兵者也。能學其
法者。臨戰必勝。若使不學者。強求軍
則軍覆。河敗。無其法也。扁鵲仲景
古之善起痼者也。能得其術者。刀圭
必靈。若使不學者。強療疾。薦人仆。

無其術也。雖然無利兵。孫吳不能
勝敵。世良藥則扁鵲仲景不能愈
疾。夫有利兵而戰焉。勝不勝則依帥
之精。之精也。醫豈不然乎。夫有禁
方良藥而臨疾。無不愈。乃在望之
巧否矣。由是觀之。欲為軍者。當先

學軍法。次療疾者。當先學其術也。
法之與術。豈不大哉。我

皇和古南涯翁之療疾。可謂能得
長沙法術者也矣。方今醫道陵夷。習
俗頽敗。徒誦長沙之規。手不能以
其法。恐古望之道遂廢。余故修業


之暇。緝錄翁所得法驗。余所睹方
證。名以續建康錄。以藏之家。如能熟
讀。習味。外庶幾得步沙法術楷梯乎。
文政紀元戊寅三月

津陽

武貞恒德夫撰



香川徽書



凡例

一昔時余遊于翁之門。竊視其治驗。超于衆。則援筆
便錄。以緝成一冊子。爾後餘間讀之。不免三豕魚
魯。主客互證。是多。於是治療之暇。刪繁補闕。以備
于後進之龜鑑。今所錄。漆桶掃帚。雖未盡其全象。
然集錄余耳目所見聞。而後進規矩所尤易覺者。
而耳。
一病客居處姓名。有記與不記者。余造次顛沛之間。
有聞則執筆而錄。方證。於是遂至失其姓名。夫失
姓名。於事雖粗。要之無益。治術。不錄亦可。其他偶

續建殊錄
卷之八

有識姓名者。其疾人或所隱忌。於是除之。見者皆倣此。
一此書固欲有益于日用治術。不欲必設怪譎之辭。而駭人置奇字奇句而文之也。學者幸勿譏其佞兵。

武貞恒誌

續建殊錄

吉南涯先生治驗

流飲

津陽 武貞恒德夫緝錄

胃反

京師木屋街賈人津國屋某者之僕謁曰吾疾常起于薄暮逮于初更而止矣其初起乎橫骨下邊有聲漸升至于心下此時胸痛大吐水而後如平日也其他無所苦衆醫交療五旬不差先生診之與桂枝枳實生薑湯三服病頓除

一婦人患胃反九年於此經衆醫未嘗些取其効因

迎先生診之其腹寧急上下相連雖吐然不渴也
食觸口不爽快曰此心胸間有支飲故也則與茯苓飲服數日愈

腹痛

浪華島之內賈人伊丹屋某者嘗患腹痛腹中有一
小塊按之則痛刺身體疴羸面色青大便難通飲
食如常乃與大柴胡湯飲之歲餘少差於是病者
徐怠慢不服藥既而經七八月前證復發塊倍于
前日頗如冬瓜煩悸喜怒刺則如狂衆醫交療不
差復請治先生再與以前方兼用當歸芍藥散服

頭痛

腹痛

之月餘一日大下異物其形狀如海月色灰白形
有似囊內空虛可以盛水醬其餘或圓或長或大
或小或有似紐者或黃色如魚餒或如敗肉千形
萬狀不可枚舉如此九日而後舊病頓除

一客某嘗患頭痛既痛則嘔其發也語言不出但手
自打其首耳家人不知其頭痛也皆以爲狂矣先
生診之腹太學恰如線引傀儡之狀也蓋頭痛之
甚有如狂狀也急與吳茱萸湯二貼盡之疾即愈
島之內人月藏者患腹痛或時憂慘憤憤如此數年

也來謁求治先生診之疾在胸脇且心下有物幾如將成塊者按之痛身體羸瘦面如菜色大便秘飲食減半先生與大柴胡湯服歲餘病稍退以故停藥居半歲病復發彼心下之毒果成塊其大如瓜鞭且滿病者苦而喜怒之狀恰如狂他醫治之無効復迎先生因又服前方兼用芍藥散服可三月大下臭穢病全愈

一男子患消渴日飲湯數斗小便稱之而食亦倍平日先生與之以五苓散月餘而奏全効

便膿血

脚痛

加賀侯臣某謁曰余在國便膿血既五年衆醫不能治也故來浪華求醫醫療之殆三年然不治矣有友人善醫者投以桂枝加朮附子湯及七寶丸亦無効矣先生診之腹滿寧急腹底有物按之剛則痛柔則否先生與排膿湯服藥數旬沉痾得瘳有一婦人兩脚痠痛自脛至膝臚見紫色筋其婦曰臍下之悸有時上突于胸間刺則精神變亂方其時彼紫色者忽焉去已則倏焉復來矣先生乃服黃土湯得之下血疾全解

浪華久太郎街賈人大和屋某妻年三十餘經閉二
年許形如枯蛙咳吐白沫飲食不進衆醫療之百
方無効一日發乾嘔飲食藥汁不得下以故諸醫
束手因迎先生診之其脈沉微而數蒸蒸發熱四
肢困倦而懶動作乃令服浸夏九及湯五日乾嘔
殆已矣然困倦轉甚不能自轉側更服當歸芍藥
湯兼以前方後十餘日便閉五六日屢登廁而不
得利自欲服通劑一醫以爲可矣因請先生先生
不可益與前方二月而後得快利然諸證仍未除

反臍傍見塊胸腹生動心下痞塞不能飲食革與
柴胡薑桂湯數日病減半時偶惡寒甚忽焉咳倍
于始晝夜吐白沫二三合乃作小青龍湯與之經
二旬餘咳大減於是再服當歸芍藥湯旬餘經水
始來爾後經百餘日而瘳

一男子某患肺癰其友人佐佐氏投藥爾後膿出於
口鼻兩便皆帶膿或身有微熱時惡寒身體羸瘦
殆如不可藥也乃來求治先生與以排膿湯及白
州散經瘳

京師備前屋某僕年十有三患腹痛面無血色按其腹如蟲行皮中氣力羸弱先生與以鷓鴣菜湯且以煖水送下紫圓吐虵數十頭又服湯下利虵數百頭經日復常

一老婦脚足疼痛十餘年遂攣急爲瘰癧身體羸瘦腹中拘攣胸張如龜背仰臥不能轉側唯飲食如常以故氣力不衰先生與當歸建中湯及消石丸踰月得步行

天崎侯臣堀氏某卒然發乾嘔醫與小半夏湯七日

不差其聲動四隣於是迎先生請治診之心下痞鞭四肢厥冷乃與吳茱萸湯飲之三貼疾全治浪華伏見堀賈人平野屋某男年十八嘗患癰發則鬱冒默默微笑慵與人應接故引屏風垂帳避人蒙被而臥方其時大汗出大煩渴飲湯水數十盃小便亦稱之先生診之心下痞腹中雷鳴乃與半夏瀉心湯及紫圓發則別服五苓散大渴頓除小慢停藥

京師河東某屋某母年四十餘患外邪三日舌上燥而黑獨語不能食醫下之下利日十餘行家人懼而更醫醫與養榮湯下利頓已爾後汗出而大渴引飲又更醫如此僅十日閒更醫五六人愈病愈變於是病勢漸衰飲食不進每鬱鬱懶言語經十餘日大便始通其色黑而滑居三四日形體羸弱殆如不可救舉家益驚怖迎先生診之心下急迫腹微滿舌上深紅乾燥而渴大汗如流足跗微腫大便黑滑猶未已乃與桃仁承氣湯須臾下燥屎

如漆者數塊三日諸證頓除但心下痞鞭不能飲食更令服人參湯至明日食漸進經月復常僧某者肥前人患鼓脹其始一醫攻以大黃劑病狀自如反短氣腹痛矣此僧宿患偃僂盤散起居不安也今春乘輿而來于京師謁先生曰衆醫皆棄我我以為猶有命矣此疾可得愈乎否當得先生一診而更焉先生診之脹自脇肋起而及于小腹逆氣沸騰撞于胸恰如波濤也先生問其他僧曰熱之熾集以日晡大便鞭或咳或目眩飲食如平

日也先生與當歸芍藥湯，僧齋藥去，服三日，下利數行，腹脹既減半，然逆氣未全愈，倍與前方，兼以消塊丸，數日而瘳。

京師一女子年九歲，有寒疾求治。先生門生某診之，蒸蒸發熱，汗出而渴，先與五苓散，服湯渴稍減，然熱與汗尚如故。其舌或黃或黑，大便秘結，胸中煩悶，更與調胃承氣湯，服後下利數行，而煩倍加，食則吐，熱益熾，將難救療。先生曰：調胃承氣湯非其治也。此爲桃仁承氣湯之證矣。服湯全瘳。

浪華人忠二郎者，其頂生瘍，醫鍼之治焉。其明日如寒疾狀，發熱熾盛，或惡寒，爾後瘡根亦凸起，自頂至缺盆，悉見紫朱色，識語大便不通，病狀最危。篤一醫以爲溫疫療之，不治。乃請先生。先生曰：是非疫，其所以似焉者，以瘡毒上攻也。乃與葛根加桔梗湯，兼以梅肉散，得湯稍差，後再診之，轉與桃仁承氣湯，以梅肉散，峻下五六行，熱乃退。蓋此人譟語煩悶，眼中碧色者，此血證候也。

浪華一大雪辰巳，屋某僕卒然咽痛，自申及酉，忽四

肢厥冷不能言氣息如存如亡衆醫以爲必死
舉家騷擾及戌時迎先生請治診之脈微細身體
厥冷時吸不絕如縷急取白散與之下利五六行
痛大減厥復氣爽其明日與桂枝桔梗加大黃湯
須臾下黑血咽痛頓除數日復常

攝都船塢賈人某者之女年十八大便秘難通者有
年於此近日經閉及三月矣其父母竊疑奸通也
乃使醫察焉醫曰懷妊也女不肯復令他醫察焉
醫不能察知之乃使先生診之按其腹臍下有一

脚氣

小塊手近之則痛先生曰此爲畜血非雙身也乃
與大黃牡丹湯服湯三貼下利十行雜黑血爾後
塊減半又兼用當歸芍藥散以幾經水來大便如
平日

京師吉田直之進妻患脚氣衆醫療之不治乃迎先
生診之兩脚及口吻麻痺脚微腫胸中悸大便秘
澀心下石鞭乃與防己加茯苓湯兼用消石丸不
幾日腫消散口吻及脚麻痺治以故將停藥先生
曰毒未盡恐後必又發矣其人不聽而停藥後果
發建朱象

再發短氣息迫凶證漸見乃迎先生謝曰妾方命
停藥疾再發先生不棄幸賜診死不忘也乃與前
方下咽則吐故與茯苓飲嘔稍罷又與前方兼以
參夏丸徐徐瘳

藝州人某患腹痛來謁于先生自手按其腹良久而
謂曰僕自得斯疾索醫於四方吐下鍼灸無不極
其術雖然百事無効曠日七年今來浪華賜公一
診雖死無怨矣先生診之從臍傍至胸下攣急疔
痛日夜無間斷乃與當歸芍藥散三日沉疴頓去

婦人年二十三左足攣急百日許一日上攻吐不能
語言醫爲脚氣療之不治先生診之胸腹有動從
小腹至胸下攣急小便不利乃作當歸芍藥湯與
之二貼上攻稍弛言語復常腹痛仍依然因與消
石丸食頃二便快通尿色如血諸證漸除月餘全
瘳

烏之內費人水邑屋某者患頭痛發則頭腦如裂煩
悶不食衆醫交療之百方無効如此經數年來請
治先生舉桂枝加朮附湯兼用應鍾散時以七寶

凡攻之藥劑舊病不亦發

今橋賈人升屋某者之男年十七歲毒發於腦戶十餘日後鍼之膿出腫減寢食稍復平日然瘡口不閉膿水如湧一日大戰慄身熱殊甚腫復凸起施及顏頰瘡頭結口膿滴不出譫語煩躁大便秘澀衆醫以爲傷寒治之無効因迎先生請治其父問曰兒病衆醫皆爲傷寒不知先生所見亦然乎曰否矣此瘡毒所致而已非傷寒乃與葛根加桔梗湯及應鍾下利三四行諸證頓減爾後困眠脈細

數熱不去飲食大減於是與梅肉散大便秘利熱去腫減居之半日許漸昏冒不識人事脣燥舌乾時狂言妄語坐爲演戲之狀乃以桃仁承氣湯攻之下利臭穢而後微覺人事三日之後下黑血飲食漸進神氣爽然服之二月餘後轉當歸芍藥湯數日全瘳

京師三條賈人近江屋某者僕一日患頭痛狀如感冒及次日譫語煩燥而不得眠其翌周身厥冷於是求治先生診之脈微細欲絕眼中赤四肢強直

口不能語言而嘔乃與當歸四逆加吳茱萸生薑湯食頃嘔止諸證稍差但心下石鞭按之則痛不欲手觸之依更與桃仁承氣湯二貼大便快通鞭痛頓除於是復與前方數日而全瘳

浪華一大賈岩城氏僕初患頭痛次日腹痛而嘔手足厥冷大汗如流正氣昏冒時或上攻氣急急迫不能語言先生與以吳茱萸湯諸證頓除既而困倦甚四肢擲席乃更與當歸四逆加吳茱萸生薑湯經數日而瘳

脚氣

瘳

門生某患脚氣其始兩足微腫通身麻痺而口吻最甚自作越婢湯服之爾後兩脚痿弱不能步行頭痛發熱而汗出心下痞鞭食漸不進胸中悸如奔豚之狀有物升降於其中先生使之服木防己加茯苓湯煩悸嘔而不能下藥汁也門生自以爲難治依請先生診乃與茯苓飲得湯嘔逆煩悸卽已但兩脚痿弱不差更與桂枝芍藥知母湯徐徐復常

甲州人某嘗僑居于京師患瘳其初醫以爲外邪也

與藥而差矣。既而病者掃頭，疾復發，煩渴引飲，胸腹有動悸。明日又愈，愈又發。如此間五六日矣。衆醫數治，數發，皆不知爲瘧，以爲邪熱，依沐浴所致也。遂求治。先生曰：「此醫之誤也。」乃與柴胡薑桂湯服藥，僅數貼，疾去如洗。

攝州吳田人吉田某者，患疫，迎先生請治。診之，脈微細，身熱煩躁，時時讞語，口燥而渴，大便秘閉。乃與桃仁承氣湯，爾後大下血。家人驚愕，而告于先生。先生恬然不省，益服前方，不日而全愈。

疫

寒疾

尼崎侯臣猪瀨氏女，有宿痢，一時患疫，衆醫療之不差。乃迎先生請治。診之，其腹有動，頭汗出，往來寒熱，燥結便秘，時時上衝昏冒，不識人，日夜如此，兩三度乃與柴胡薑桂湯，以紫圓攻之。不幾日，諸證盡瘳。

賈人和泉屋某，母年四十有餘，患寒疾，經三日，古上下利十餘行而病。婦不知其下劑，驚愕，更醫。醫診之，與人參養榮湯服一日，下利即止，而自汗出，煩

渴引飲病狀尤似危篤者因又迎醫醫與柴胡白
虎合方諸証稍差食亦少進病婦少安以爲漸愈
亡幾日嶮證復發殆如不可救也又更醫診之醫
曰此爲太虛乃與真武加人參湯爾後下利黑血
六七行餘証自若凡更醫十餘無微効後請先生
診之腹微滿舌尖赤微帶腫大便滑而渴乃與桃
仁承氣湯服數貼下燥屎如漆者數枚經三日諸
證大差但心下痞鞭不欲飲食也因與人參湯數
日復常

惡疾

胞衣不下

淡州人某患惡疾一身不知痛痒兩便失度其面微
腫有光眉毛脫落先生與桂枝加朮附湯兼用應
鐘散及七寶服之數月疾自若不差更用白丸三
爻服五日小便悉血後二日又吐沫臭不可近爾
後瘳復常

一婦人小產後胞衣不下忽焉上攻喘鳴促迫正氣
昏冒而不知人事自汗如湧衆醫以爲必死因迎
先生診視之心下石鞭少腹濡眼中如注藍乃與
桃仁承氣湯須臾胞衣忽得下至明日爽快如常

灘橫田某者患奇疾事事怵惕凡目所見雖書畫器物視之從方圓曲直悉如梟首或如鬼怪以故不欲見物也然有過客則待之無新故懇到如一其人去則戀戀悲哀瞻望不止如此者數月百事成廢於是迎先生求治診之胸腹有動心下鞭滿大便不通刺則胸閒如怒濤其勢施及脇肋築築之狀形于皮外乃與大柴胡加茯苓牡蠣湯服數劑而後下利穢物疾大減爾後頭眩尤甚於是與苓桂朮甘湯兼以紫圓不幾舊病得瘳

攝州荒陵山吹籟工林氏之妻病後脚生微腫良久一身面目洪腫小便不利短氣微喘不能自轉側求治于先生診之與水防已加茯苓湯日服七貼經數日而小便快通徐徐瘳

一婦人浪華人患鼓脹五年於此近日病勢最危醫以爲不治求治于先生診之腹大滿爲凸臍傍見青筋先生曰此非不可治然如此痼疾非一日二日而可奏効凡疾爲痼者非服藥之久未可有効也病婦曰妾得此疾已五年百方無効今危篤命

在旦夕幸而得救，死則足。唯先生命之從，豈有他乎？因與大黃牡丹湯十餘日，小便大通，爾後小便快通，脹大減，尚與前方數旬疾去，復常。

和州人某來謁曰：僕年五十有餘，從來未嘗有疾。今雖既老，猶嬰鏢，飲食倍于少壯時也。自以爲昔時好角抵戲，故血氣周流如此矣。自客歲丁巳春，食餌又三倍于少壯。至今年漆湯飲水，數升未嘗滿腹。頃自警以數合爲度，能食能飲如此，理當肥而瘦日甚，他無所苦。先生診之，而問其他。荅曰：唯腹

水腫

脚腫

皮麻痺，小便頻數，乃與五苓散服之，渴愈。

浪華賈人某者，一身面目洪腫，小便不利，腹脹滿，短氣不得臥，其水漏滴于皮外，以故日夜易衣者數回。飲食大減，衆醫以爲必死。因迎先生求治。先生與之以木防己加茯苓湯數日，小便快利，徐徐瘳。攝州荒陵山伶人某氏，妻患脚氣水腫，衆醫盡伎，百方無効。其病婦周身有水氣，目胞塞，小便不通，短氣冲心，求治。先生診之，與以木防己加茯苓湯，八九日未有効。門人某竊意非平水丸、桃花散等無

奏効矣。乃問于先生。先生曰。夫冲心之證。凡以氣上攻所致也。然以峻下之劑。譬猶救火。負薪救溺。授石也。何啻不利乎。其勢益甚。不若用前方也。爾後病勢漸進。命迫于旦夕矣。先生依然用前方。不止旬有餘日。而小便快通。疾差復常。

加州士人某者。來在于浪泊。患痲疾七年。百治無効。其友人有學醫者。診之。與湯藥。兼以七寶丸。梅肉散。久服不治。於是請治于先生。先生診之。小腹攣急。陰頭含膿。疼痛不能行步。乃作排膿湯。與之服。

湯數日。舊病全瘳。

浪華道修街賈人。備前屋某。僕年十餘歲。腹痛不能臥。數日面色如瓜。其腹脹大。恰如羣蛇之滿囊中。按之則作聲。先生與之以鵲鴿菜湯。爾後吐蛇數十頭。連四日。又下百餘頭。數日瘳。

瘳寒

浪華道修街清兵衛者。僕年十餘歲。有寒疾。初二三日服藥。發汗不解。熱反倍于前日。眼中赤。短氣燥煩。手足厥冷。大便秘澀。衆醫皆以爲元氣虛。曰。非參附及白朮等。不可以補。其虛因與理中湯。得湯。

疾彌進，因求治于先生。診之曰：此所謂厥陰症，而血氣迫于內所致也。乃與桃仁承氣湯，其翌下利如傾，益續服數貼，爾後厥冷甚殆，如將死者，更與當歸四逆湯，厥冷即愈。再用前方，疾全愈。

阪南一旅客某者，嘗游學在于浪華，通刺謁曰：吾嘗有濕瘡，百方無效。荏苒至今，其始也身疼腰痛，四肢不仁，狀類于癱瘓，不能危坐，唯趺跏如僧，以得安息。今又加咳一證，其咳不輕，依之晝夜不能安臥。醫以爲勞瘵，束手不療。故來請診治。先生診之，

曰：此血咳也，非勞瘵也。乃與桂枝加朮附湯服湯，得瘳。其人謝曰：吾嚮委庸醫，殆將不救，死幸有先生得免，入于鬼錄矣。

浪華築地，賈人播磨屋某者，兩足強直，不能步百餘日。衆醫交療之，不治。因迎先生診之。腹攣急，時時上逆，乃與桂枝加朮附湯，兼用應鍾散服之。月餘，心下鞭滿而痛不可忍，更與大柴胡湯，時以紫圓攻之。數日，鞭痛盡除。爾後攣急倍初，不能仰臥，強仰臥則頭不著于枕也。於是與桂枝加芍藥朮附

湯時以七寶丸紫圓攻之數十劑而其足稍得屈伸爾後服藥二百餘日疾去復常

一老夫大便不通數日上逆目眩醫與備急圓自若因倍加分量而投之得利爾後身體麻痺上逆益甚而大便復閉更醫醫診與之以大劑大承氣湯一服不得下利服三貼下利如傾盆身體冷痛而不能臥大便復結又轉醫醫作地黃劑令服之上逆尤劇面色如醉大便益不通於是請治于先生先生診之心下痞鞭少腹無力即與桂枝加芍藥

生薑人參湯服之三貼衝氣即低大便快通經二三日冷痛止得臥大便續快通二旬後諸證去復常

京師辰巳屋某者僕當食時忽咽痛少閒手足厥冷如死者狀使二醫診之一醫爲寒疾一醫爲纏喉風曰此證宜備急圓然未嘗試故辭不療乃迎先生審語之先生曰備急圓固的當與之一時許大便快通疾如洗

一婦人年二十餘歲在足癰急百日許忽上迫搶心

且大吐，語言不出，醫以爲脚氣衝心，與藥不治。乃迎先生診之，雖上衝心下，然從少腹至胸下，攣急，小便不利，乃與當歸芍藥散，攣急差，口能言語，但加腹痛，更調下承氣丸，小便快通，其色淡紅，爾後疾瘳復常。

續建殊錄

附錄 以下諸症先生自記，以所視於諸子者也。

津陽 武貞恆德夫緝錄

一男子胸中煩悶，反覆顛倒，愠愠不能食，腹微滿，小便不利，一身微發黃色，與以茵陳蒿湯，兩便快通，諸症頓愈。

一男子卒然氣急息迫，心下鞭滿，腹中攣痛，但坐不得臥，微嘔，小便不利，與以大柴胡湯，諸症悉愈。一婦人每好飲酒，一日大醉，忽然妄言，恰如狂人，後卒倒，直視，四肢不動，吸吸少氣，不識人事，手足溫。

婦人年九十歲患赤白痢日七十行舌上黑胎身

脈滑而疾不大便十餘日額上生微汗面色赤從
胸中至少腹鞭滿不能食與挑核承氣湯服五六
日瞳子少動足得屈伸至七八日大便漸通呻吟
十餘日諸症漸退

一婦人年九十歲患赤白痢日七十行舌上黑胎身
熱如灼時時譫語渴欲飲水絕食數日腹皮著脊
息則搖肩從臍傍至心下按之如石動氣尤甚與
調胃承氣湯數日諸症漸退後腹痛小便不利清
穀下利手足微腫疲勞尤甚則與真武湯諸症全

得瘥

一婦人產後忽煩悶二便秘閉少腹鞭滿按之則痛
手不可近焉兩足洪腫不得屈伸乾嘔短氣命迫
旦夕與八味湯兼用大黃甘遂湯兩便快利小便
晝夜六七升惡露續下爾後少腹滿大減按之不
痛經日浮腫不去乃與木防己湯兼以夷則丸諸
症全愈

一丈夫患瘥二十餘日譫語不識人舌上黑胎遺尿
不大便數日午後煩熱刺則問亂食穀不下兩脚

瘥

瘥

瘥

痿弱微生腫與白虎湯兼用解毒散諸症漸愈
一男子鬱鬱不樂咳嗽短氣動搖則胸悸甚上氣微
嘔不欲飲食小便不利微盜汗出時時搶於心下
或胸中痛與苓甘姜味辛夏湯加人參服藥諸症
漸退踰月全愈

一婦人胸中痛煩悶不可奈何切按摩之則其痛移
背飲食藥汁不下若下咽必痛甚一身肉脫脈微
細與括萆薢白白酒湯服二三貼而痛大退飲食
得下咽爾後經十餘日痛再發以粉密湯作丹兼

用之不幾日全愈

一男子左足攣急不能屈伸時時轉筋入腹從少腹
至胸下鞭滿上衝不得息自汗如流兩脚厥冷二
便秘閉微渴食如常晝夜不眠仰臥不能轉側舌
上微黑則與烏頭湯服湯日八九貼自汗止厥愈
轉筋大緩兩便不通鞭滿如故因兼用挑核承氣
湯二貼經二三日大便秘利續得小便通爾後十
餘日大下利黑物而諸症悉退

一童子年八歲大吐食後發熱微汗出其明日無熱

諸語咬牙煩躁尤甚嘔不能食四肢攣席胸肋妨
脹按之無腹力兩便不通與桃核承氣湯服藥後
神氣復常諸症悉退

一婦人年二十餘歲去春以來絕食穀肉之類一口
不能食若食則心下滿痛或胸中滿痛吐之則止
每好飲或熱湯或冷水若過飲則必腹痛而吐水
過多腰以下羸瘦甚胸以上如平人行步不異于
常按腹臍傍少腹堅恰如石大便秘結若用下劑
則徒水瀉而已月水不來其婦自言苦腹滿按之

不滿則與茯苓澤瀉湯兼用消黃湯服之五六十
日渴少減少食糖菜腹痛如故微咳吐絡血後投
當歸芍藥散兼用廣蟲丸諸症漸退

一婦人足指疼痛不得步行一日腹中攣急上衝于
心絕倒不知人事手足溫脈數兩便不通則與當
歸芍藥湯爾後小便快利色如血諸症頓除
起刺則從臍下至于心胸動悸時時心中煩不能
奈何足冷時瘡色尤赤經水如常大便秘閉則與
續命湯

奔豚湯服之諸症漸退

一男子患大頭痛心下堅滿按之痛時時欲嘔眼中赤眩不能視物舌上黑胎不大便十餘日不欲飲食則與大柴胡湯大便快通諸症稍雖退頭痛如舊後兼用七寶丸全愈

一男子腹肚脹滿脚以下洪腫小便不利不大便十餘日舌上黑胎脣口乾燥心煩嘔吐飲食反如平日與調胃承氣湯穢物大下小便快利脹滿減如常餘症全得瘳

一婦人月經數日不止或月再見肩背凝腹中掣急或鞭滿飲食大進大便秘結時時陰門痒患之數年百治無効與當歸芍藥湯兼用蠶蟲丸大奏治効

一婦人卒心胸下鞭滿痛不可忍乾嘔短氣顛轉反側手足微冷且言患項背強按之則堅恰如入板與十棗湯服之纔一貼痛頓止下利五六行諸症悉愈

一婦人常患鬱胃心中煩悸但欲寐飲食或進或不進建朱砂散付案

進一日卒然如眠不識人事脈微細呼吸如絕血
已不變手足微冷齒閉不開二時許氣復呻吟煩
悶言胸中有物而苦胸腹動悸甚脇下攣急則與
桃核承氣湯服湯一晝夜十二貼下利數行諸症
漸退後與茯苓建中湯全治

一男子腰以下痺手足煩熱舌上黑胎飲食如常腰
冷痛則與八味湯諸症悉愈

一商夫志氣鬱鬱嘔不能食平臥數十日從心下至
脇下鞭滿按之則痛時時吃逆夜則妄語無熱狀

脈沉微乃與大柴胡湯服後下利黑物諸症全愈

一男子年六十有五常患喘息咳嗽不得平臥數十
年一日有身熱或休或作數日不愈痰帶血出翌

日齒縫出血連綿不止其色黑如絮以手引之或

一二尺或三尺劇則從鼻穴耳穴少出大便下黑

血如齒縫日四五發一身無血色處處發斑其色

紫黑如此三日三夜絕穀好飲正神如有如無平

日所患之喘息頓止得平臥然不能轉側乃與桃
核承氣湯不幾日而愈

一婦人身體羸瘦腹中攣急經水少而不絕上逆目眩飲食如故大便秘結脣口乾燥乃與桂枝茯苓湯兼用塵蟲丸經日諸症全愈

一男子心下鞭痛手足厥冷頭冷汗出嘔吐不能飲食服紫圓二炙下利數行痛益甚如絞冷汗不止乃與大柴胡湯鞭痛益甚更作烏頭湯服之諸症頓退

一丈夫惡寒身熱而嘔腰痛口乾燥一日振寒發熱汗出而渴如瘧狀朝發夕發夜又發脈緩惡寒爾

後嘔止身熱腰痛口乾燥如故五六日振寒再發其狀如初則與當歸四逆加吳茱萸生姜湯諸症少退經八九日發懸癰痛不可忍與大黃牡丹皮湯膿潰數日愈

一男子患疫四日發狂不識人事妄言大渴不欲食下利日五六行腹皮著背狀如虛脫胸中煩悸脈微弱乃與白虎加黃連湯服二三日妄言止不下利經六七日諸症全愈

一男子一身紫黑少帶黃色至夜而身痒搔之則終

痛

夕不得止。每月下旬振寒發熱。腹中攣急。上衝于胸。一醫以爲黃胖病。不腹張。胸無悸。飲食如平日。則與葛根加太黃湯。服後黃色大減。痺漸瘳。一男子卒患腹中痛。渴而時時嘔。不大便。數日小便快利。短氣息迫。頭汗不止。舌上黑。胎心下鞭滿。按之痛不欲近手。四肢微冷。脈沉結。乃與大柴胡湯。服之大得治驗。

一男子患久咳。嘗吐血。爾後氣力大衰。短氣息迫。胸中悸而煩。腹攣急。不能左臥。寢則汗出。下利日一

二行。目上足。胛生微腫。咳不止。飲食少減。羸瘦尤甚。則與黃耆建中湯。盜汗止。攣急漸緩。得左臥。不下利。微腫散。咳依然。更兼用解毒散。經日。諸症全退。

一男子嘗患頭重而微痛。鼻中寒。清涕不止。有年。於此按其腹。從少腹至于心下。攣急。脈微細。飲食如平日。則與桂枝加苓朮附湯。兼用應鍾散。諸症得治。

一男子兩脚疼痛。不得屈伸。手足寒。腹中拘攣。飲食

頭痛

脚痛

經方
附錄

大減羸瘦尤甚時時痔血出二三升佗無所苦乃
與附子湯兼用解毒散爾後疼痛退拘攣漸緩飲
食大進經日諸症全治
一丈夫患疫其初四肢隨痛身熱惡風乾嘔不能食
頭汗出腹攣急按之則痛經日五六日不大便小
便赤少晝夜纔三四合譫語煩悶咳而喘時時發
潮熱心下鞭滿舌上黑胎則與當歸四逆加吳茱
萸生薑湯諸症少退然心下鞭滿潮熱便秘依然
如舊更作大柴胡加芒硝湯與之全得愈

頭瘟

一男子初患頭痛惡寒手足隨痛乾嘔不能食至四
五日手足寒喘急息迫一身冷汗出下利日四五
行脈微細但欲寢則與當歸四逆加吳茱萸生薑
湯服之旬餘諸症悉愈

一丈夫惡寒發熱頭面腫痛起則目眩嘔不能食太
便秘閉小便不利則與桂枝加苓朮附湯兼用紫
圓爾後諸症全愈此病所謂頭瘟者也患之者頃
日頗多若劇則口眼喎斜腫痛尤甚目眩以下之
諸症非于主症也若認爲小柴胡湯或茯苓甘草
湯誤矣

湯之症則誤也

一男子眩不能立胸下鞭痛肩背強如入板飲食如常大便秘結則與當歸芍藥湯服之數日諸症悉愈

一男子短氣息迫喘不得臥面色純青胸中悸脈沉微則與茯苓杏仁甘草湯服藥三日諸症全愈

一婦人腹痛按之鞭滿寧急時時發熱小便不利手足微腫咳目眩患之百餘日一醫投大柴胡湯下利日甚熱益熾則迎予與以真武湯服一二日熱

退利止經五六日小便快利腫去食大進腹不痛雖起不眩鞭滿寧急如故乃兼用當歸芍藥散諸症漸退

一禪師平日飲食停滯胸腹有動悸雷鳴嘔吐腹中痛志氣鬱鬱不樂一醫與附子粳米湯或半夏瀉心湯不愈一日嘔吐甚累日絕食穀嘔吐益甚服欲死予投茯苓澤瀉湯嘔吐止翌日啜糜粥不過十日諸症全愈

續建錄附錄終
一男子惡寒身熱頭痛四肢隨痛恍惚如夢微渴微嘔胸肋攣急引胸下痛咳嗽而吐痰血則處之以當歸四逆加吳茱萸生姜湯兼用解毒散服之諸症全得愈
一小兒年四歲病痘瘡後雖經三十日頭面不落痂瘡痕含膿小便不利身有微熱頭汗出腹鞭滿大便不通煩悶難得安眠則與葛根加大黃湯服後下利臭惡穢物過多小便如紅二三日瘡痕膿去而結痂諸症悉退

胸痛

一丈夫年五十有餘手足麻痺不覺痛痒頭重小便不利舌上黑胎飲食如平日與以桂枝加茯苓朮附湯兼用應鍾散服之月餘諸症悉愈
一婦人患胸痛一二年發則不能食食則食不下于咽手足微厥心下痞鞭按之如石脈沉結乃與人參湯服之數旬諸症漸退胸痛全愈

續建殊錄跋

續建殊錄跋



家君嘗輯續建殊錄矣。人或欲梓焉。家君曰：譬之寶章甫而之越，人別其文方誰取用？知其不用而流罷李業。此余志也。其不許。

續建殊錄跋

烏頃書肆集來懇請上梓
於無熟里夫章甫用捨
在人無害于世今以卷之
為子流長也夫志惡聞
醫也者仁術也夫志有善與
秘之帳中非惡志也公之

子亦亦北仁之一端乎乃以
數言記於卷尾

文政五年壬午三月朔

武貞憲識



文政八年乙酉九月發行

書林

大坂心齋橋通安土町

加賀屋善藏製本

